



UNIVERSITÄTS-  
BIBLIOTHEK  
PADERBORN

## **Avrea Gemma Christianorvm**

**Ruben, Leonhard**

**Paderbornae, 1604**

LVI. Titulus causæ Christi mortis imponitur cruci.

---

[urn:nbn:de:hbz:466:1-68313](https://nbn-resolving.org/urn:nbn:de:hbz:466:1-68313)

riam ei plurimos: & fortium diuidet spolia, pro eo quod tradidit in mortem animam suam, & cum sceleratis reputatus est: & ipse peccata multorum tulit, & pro transgressoribus rogauit.

VERITAS. Matt. 27. 44 Id ipsum autem & latrones qui crucifixi erant cum eo, improperabant ei. Marc. 15. 27. 28. Et cum eo crucifigunt duos latrones: unum à dextris & alium à sinistris eius. Et impleta est scriptura, qua dicit: & cum iniquis reputatus est. Luc. 23. 32. 33. Ducebantur autem & alij duo nequam cum eo, ut interficerentur. Et postquam uenerunt in locum, qui uocatur Caluaria, ibi crucifixerunt eum: & latrones, unum à dexteris, & unum à sinistris. Ioan. 19. 18. Vbi crucifixerunt eum, & cum eo alios duos hinc & hinc, medium autem Iesum.

## CAPVT LVI.

Titulus cause Christi mortis imponitur cruci.

FIGURAE. 1. Samson moriens plures occidit quàm uiuus, sic Christus hoc titulo Iudeos. Iud. 16. 30. Samson ait: *Moriatur anima mea cum Philistim, concussisq; fortiter columnis, cecidit domus super omnes principes, & cateram multitudinem, qua ibi erat: multoq; plures interfecit moriens, quàm ante uiuus occiderat.*

2. Nunc clangor uictoriae regis in Iacob. Num. 23. 31.

PROPHETIAE. 3. Psalm. 2. 6. 7. 8. 9. 10. 11. 12. 13. *Ego autem constitutus sum rex ab eo super*

super

*Super Sion montem sanctum eius, predicans prae-  
 ptum eius. Dominus dixit ad me: Filius meus es tu,  
 ego hodie genui te. Postula à me & dabo tibi gentes  
 hereditatem tuam & possessionem tuam remaneat  
 terra. Reges eos in virga ferrea, & tanquam vas  
 siguli confringes eos. Et nunc reges intelligite: erudi-  
 mini qui iudicatis terram, seruite Domino in timore:  
 & exultate ei cum tremore. Apprehendite di-  
 sciplinam ne quando irascatur Dominus, & peratis  
 de via iusta. Cum exarserit in breui ira eius, beati  
 omnes qui confidunt in eo. Psal. 95. 10. vt supra cap.  
 5. Isai. 19. 20. Erit in signum, & in testimonium  
 Domino exercituum in terra Aegypti, clamabunt  
 enim ad Dominum à facie tribulantis, & matris eis  
 saluatorem & propugnatorem, qui liberet eos. Sa-  
 pient. 10. 13. 14. Hæc (sapientia scilicet) pendurum  
 iustum non dereliquit, sed à peccatoribus liberauit  
 eum: descenditq; cum illo in foueam, & in vinculis  
 non dereliquit illum, donec afferret illi sceptrum re-  
 gni, & potentiam aduersus eos, qui eum deprime-  
 bant; & mendaces ostendit, qui macularunt illum,  
 & dedit illi claritatem aternam. Hoc titulo ape-  
 riuntur omnes libri prophetarum hæctenus si-  
 gnati. Isai. 29. 11. 12. Et erit vobis visio omnium si-  
 cut verba libri signati, quem cum dederint scienti-  
 litteras, dicent: lege istum, & respondebit: non pos-  
 sum, signatus est enim. Et dabitur liber nescienti-  
 litteras, diceturq; ei: lege: & respondebit: Nescio  
 litteras. Ierem. 32. 10. 11. 12. 13. 14. Et scripsi in li-  
 bro, & signaui, & adhibui testes: & appendaui  
 gentem*

gentum in statera. Et accepi librum possessionis signatum, & stipulationes, & rata, & signa forinsecus. Et dedi librum possessionis Baruch filio Neri filij Maasia in oculis Hanameel patruelis mei, in oculis testium, qui scripti erant in libro emptionis, & in oculis omnium Iudeorum qui sedebant in atrio carceris, & precepi Baruch coram eis, dicens: Hec dicit Dominus exercituum Deus Israël. Sume libros istos, librum emptionis hunc signatum, & librum hunc, qui apertus est, & pone illos in vase fictili ut permanere possint diebus multis. Dan. 12. 9. Et ait: vade Daniel, quia clausi sunt, signatiq; sermones vsq; ad presinitum tempus. Apoc. 5. 1. 2. 3. 4. 5. 6. 7. 8. 9. 10. Et vidi in dextera sedentis supra thronum, librum scriptum intus & foris, signatum sigillis septem. Et vidi Angelum fortem, predicantem voce magna: Quis est dignus aperire librum, & solvere signacula eius? Et nemo poterat neq; in calo neq; in terra, neq; subtus terram aperire librum, neq; respicere illum. Et ego flebam multum, quoniam nemo dignus inuentus est aperire librum, nec videre eum. Et unus de senioribus dixit mihi. Ne fleueris: ecce vicit leo de tribu Iuda, radix David, aperire librum, & solvere septem signacula eius. Et vidi, & ecce in medio throni, & quatuor animalium, & in medio seniorum, agnū stantem tāquam occisum, habentē cornua septem, & oculos septem: qui sunt septē spiritus Dei, missi in omnem terrā: & venit & accepit de dextera sedentis in throno librum. Et cum aperuisset librum, quatuor animalia & viginti quatuor seniores cecide.

ceciderunt coram Agno, habentes singuli cibaria,  
 & phialas aureas plenas odoramentorum, quae sunt  
 orationes sanctorum: & cantabant canticum novum  
 dicentes: Dignus es Domine accipere librum, & a-  
 perire signacula eius: quoniam occisus es, & vulnerasti  
 nos Deo in sanguine tuo ex omni tribu, & lingua,  
 & populo, & natione, & fecisti nos Deo nostro regnum,  
 & sacerdotes: & regnabimus super terram.  
 Qui etiam post passionem suam aperit discipulis  
 scripturas: Luc. 24. 27. Et incipiens à Moysi, &  
 omnibus prophetis, interpretabatur illis in omnibus  
 scripturis, quae de ipso erant. Vers. 32. Et dixerunt  
 ad inuicem: Nonne cor nostrum ardebat in nobis  
 dum loqueretur in via, & aperiret nobis scripturas?  
 Cauendum ne simus huius regis & tituli desertores  
 ne Iob. 13. 16. scribat contra nos amaritudines.

VERITAS. Matth. 27. 37. Et imposuerunt  
 super caput eius, causam ipsius scriptam. Hic  
 est Iesus rex Iudeorum. Marc. 15. 26. Et erat titulus  
 eius causa eius inscriptus: Rex Iudeorum. Luc. 23.  
 38. Erat autem & superscriptio scripta super eum  
 litteris Graecis, & Latinis, & Hebraicis, Hic est rex  
 Iudeorum. Ioan. 19. 19. 20. 21. 22. Scripsit autem  
 Pilatus: & posuit super crucem. Erat autem scriptum:  
 Iesus Nazarenus, Rex Iudeorum. Hanc ergo  
 titulum multi Iudeorum legerunt: quia prope  
 civitatem erat locus, ubi crucifixus est Iesus. Et  
 erat scriptum Hebraicè, Graecè, & Latine. Dice-  
 bant ergo Pilato Pontifices Iudeorum: noli scribere,

re, Rex Iudaorum: sed quia ipse dixit: Rex sum Iudaorum. Respondit Pilatus: Quod scripsi scripsi.

CAPVT LVII.

Vestes Christi diuiduntur.

**F**IGVRAE. I. Adam nudus in paradiso, cum peccauit. Genes. 3. 7. Et aperti sunt oculi amborum: cumq; cognouissent se esse nudos, consuerunt folia ficus & fecerunt sibi perizomata. Vers. 10. 11. Qui ait: vocem tuam audiui in paradiso: & timui, eo quod nudus essem, & abscondi me, cui dixit: Quis enim indicauit tibi quod nudus esses, nisi quod ex ligno de quo praeceperam tibi ne comederes, comedisti? Nuditas haec, Christi in cruce pendentis nuditate tegitur.

2. Fratres Ioseph, eius interfecti, atq; in cisternam missi vestem sanguine tinctam, patri miserunt. Genes. 37. 31. Tulerunt autem tunicam eius, & in sanguine hedi, quem occiderant, tinxerunt: mittentes qui ferrent ad patrem, & dicerent: hanc inuenimus, vide utrum tunica filij tui sit, an non.

3. Idem Ioseph ob amorem castitatis spoliatur pallio ab vxore Putipharis. Gen. 39. 12. Et illa apprehensa lacinia vestimenti eius, dicebat: dormi mecum. Qui relicto in manu eius pallio, fugit, & egressus est foras.

4. Saulus primus Rex Israëlis prius spoliatur, postea suspenditur super muros ciuitatis Bethsan.

Bb

Bethsan.